



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs
Tractatus de Prædestinatione, de Trinitate, de Angelis, & de homine

Gonet, Jean-Baptiste

Coloniæ Agrrippinæ, 1671

Art. IV. Quâ viâ peccatum in Angelorum mentes irrepserit?

[urn:nbn:de:hbz:466:1-77146](https://nbn-resolving.de/urn:nbn:de:hbz:466:1-77146)

Præmittenda ad resolutionem questionis.

petere. Unde quando S. Doctor post verba re- A
lata subdit: *tel si apperit ut ultimum finem illam Dei*
futilitudinem qua datur ex gratia; voluit hoc habere
per virtutem suam naturam, non ex divino auxilio secun-
dum dispositiorem; non loquitur de volitione for-
mali & expressa beatitudinis supernaturalis, sed
de virtuali tantum & interpretativa. Eodem
modo intelligi & explicari debet id quod docet
quæst. 16. de malo art. 2. ad 4. & art. 3. in corp.
tempore Angelum peccasse ex eo quod beatitudi-
nem supernaturalem consequi voluit, per virtu-
tem sue naturae, & sine auxilio gratiae; quod
etiam reperitur in 2. dist. 5. quæst. 1. art. 2. Licet e-
tiam hec testimonia significare videantur, fuisse
in Angelo intentum consequendi positivè glo-
riam sine gratia, tamen revera non sunt intelli-
genda de intento positivæ consecutionis for-
maliter, sed solum virtualiter & indirecte, ita ut
recusaverit illam habere ex gratia; quod est vir-
taliter velle illam, si non esset ex gratia; alias
exim esset contradicatio in D. Thoma, negante in
Angelo errorem speculativum ex una parte, ut
pater in hac questione art. 1. ad 4. & supra quæst.
art. 5. & quæst. 16. de malo art. 6. & alibi sa-
pe; & ex alia concedente in illo volitionem ex-
pressam & formalem acquirendi beatitudinem sup-
ernaturali ex viribus naturae, & sine auxilio
gratiae; quod voluntio, ut ostendimus, errorem in
intellectu necessario supponit.

Dies: Primum Angeli peccatum debet esse
aut se habens per modum volitionis & pro-
tectionis, non vero per modum recelsus & fu-
ges. Sed reculari beatitudinem supernaturalem,
ut habenda ex gratia & beneficio Dei, est actus
habens per modum fugæ & recelsus ut patet:
Arguo in eo primum Angeli peccatum nequit
consistere, subindeque nec in virtuali volitione
aliquandi beatitudinem sine gratia.

Relpondeo nos in primo Angeli peccato non
affingere solam illam fugam & recusationem
beatitudinis supernaturalem, ut habenda ex gra-
tia. Non enim debet separari in Angelis recusa-
to beatitudinis supernaturalis, à voluntate ma-
nendi & quietificandi in sua naturali felicitate seu
excellencia: quia sicut homo peccans appetitu-
rum sensibilium, simul recusat spiritualia &
superiora bona, licet vellat ea habere sine labo-
ra. At non carente fruitione rerum sensibilium;
ta etiam Angelus simul & eodem actu superbia
recusat ut beatitudinem supernaturalem, ut ac-
quirendam ex gratia & meritis, & adhuc sua
naturali felicitati, ut suo ultimo fini, non ordi-
nando illam in supernaturalem, ut antea expli-
cum est.

ARTICULUS IV.

Quia via peccatum in Angelorum mentes
irreperitur?

Angelos peccasse, id que inordinato propriæ
excellentiæ & naturalis beatitudinis appear-
tum, sufficienter constat ex dictis: sed quæ fuerit
illæ causa peccandi, quæ via in eorum mentes
virus hoc irreperitur, seu quæ fuerit secreta illa ri-
na, que tanto malo aditum aperuerit, ænigma
et obsecrissimum, & ferè penitus inextricabile,
humane sapientie incognitum, vixque ipsi Angelorum
mentibus pervium. Utramen aliquis
ejusnotitia haberit possit, quædam breviter hic
præmittenda sunt.

S Uppono primo ex Tractatu de peccatis , 129
S quod omnis defectus voluntatis, provenit ex aliquo defectu intellectus proportionato ipsi defectui voluntatis, propter summam conne-
xionem & dependentiam voluntatis ab intellectu, tam in esse, quam in operari; quæ tanta est, ut ipsa voluntas emanet ab essentia, mediante intellectu, & nihil operetur nisi circa objectum sibi propositum, & ab ipso cognitum: propterea communiter dicitur, quod voluntas est poten-
tia cœca, sequens ducum rationis, sive quod est appetitus rationis vel intellectualis; quia scilicet ejus objectum est bonum cognitum ab intellectu. Cum ergo peccatum sit aliquis defectus vo-
luntatis, necessariò presupponit aliquem defectum ex parte intellectus, vel ignorantia, vel er-
roris, vel inconsiderationis. Unde Proverb. 14.
dicitur: Errant qui operantur malum: & saepe in Scriptura, peccatum, inutilia vel ignorantia ap-
pellatur. Et hinc ortum est commune illud axio-
ma, Omnis peccans est ignorans, quod non debet in-
telligi de ignorantia speculativa, sed practica, &
opposita dictamini prudentia. Hinc etiam Ari-
stoteles 6. Ethic. docet, quod non potest esse
peccatum in voluntate, existente in intellectu
recte prudentia, hoc est rectâ cognitione practi-
ca. Et D. Thomas quæst. 1. de virtut. art. 6. ad 1.
Ad prudentiam, inquit, pertinet judicare de singulis
agibilibus, prout sunt nunc agenda; quod quidem ju-
dicium corruptum per quolibet peccatum; & idem
prudentia manente homo non peccat.

Neque huic suppositioni contrariatur qui-
dam articulus Parisiensis, in quo dicitur: Intel- 130
lectu existente in apicerationis, potest voluntas in oppo-
situm: hoc enim, ut interpretatur Cajetanus 1.2.
quæst. 7. art. 2. intellectum est de intellectu
existente in apicerationis, quoad univeralia
principia, non autem quoad particularia, vel
quoad universalia & particularia in habitu, non
in actu; vel de intellectu existente in apice rationis speculativæ tantum, non practicæ; vel
denique de intellectu stante in apice rationis ,
per modum consilii, non per modum imperii.

Suppono secundò ex eodem Tractatu, quatuor 131
defectus in intellectu hominis vel Angelii reperi-
ti, vel saltè excogitari posse. Primus omni intellectu
creato & creabili communis est, & vocari
solet *nescientia*, quæ est carentia cognitionis ejus
quod quis non tenet scire; unde ille non potest
esse causa peccati. Secundus est *ignorantia*, quæ
est privatio cognitionis habitualis & actualis
eorum quae quis tenet scire; quare potest esse
causa peccati, si sit vincibilis, ut docet S. Tho-
mas 1.2. quæst. 7. art. 2. Dixi *habitualis & actualis*,
quia si quis actu faciat aliquid, licet non sciat ex
habitu, non potest dici ignorans; similiter si quis
sciat aliquid habitu, licet actu non consideret ,
non dicitur ignorans, sed inconsideratus. Ter-
tius est *positivus error intellectus*, consistens in
falso de re aliqua iudicio. Quartus denique est
defectus *considerationis*, sive *inconsideratio*; &
hæc duplex est, una negativa, dicens carentiam
actualis considerationis, quando quis non tenet
actualiter attendere; altera privativa, eandem
carentiam involvens, sed pro illa differentia tem-
poris in qua tenebatur intellectus actualiter
considerare. Quæritur ergo, quisnam ex tribusulti-
mis

mis defectibus primum Angeli peccatum præcesserit, an ignorantia, vel error, aut inconsideratio? pura enim nescientia non potest esse causa peccati, ut dictum est.

S. II.

Resolutio difficultatis proposita.

Dico igitur, primum Angeli peccatum non provenire ex ignorantia, vel ex errore, sed solum ex inadvertentia, seu inconsideratione. Ita D. Thomas³. cont. Gent. cap. 110. ad 1. quæst. 16. de malo art. 2. ad 4. & hic art. 1. ad 4. & communiter Theologoi contra Aegidium & Pesantium, quos refert Nazarius.

133. Probatur prima pars: Angelus à principio sua creationis habuit scientiam rerum omnium, tam naturalium, quam moralium, nec non revelationem & fidem eorum omnium, quæ ad honestè operandum in ordine supernaturali necessaria erant: Ergo non potuit ex ignorantia aliqua primum peccare. Consequens patet: ignorantia enim alicuius objecti, non potest compati in aliquo intellectu, cum perfecta scientia, aut fide, & revelatione illius. Antecedens vero probatum manet ex dictis disp. 6. art. 3. ubi ostendimus intellectum angelicū, ratione sui excessus in gradu immaterialitatis, in hoc differere a nostro, quod intellectus noster secundum se, & initio sue productionis et in pura potentia, respectu omnium intelligibilium, etiam naturalium, caretque scientiā habituali ipsorum: at vero intellectus Angelii habet congenitam scientiam habitualē illorum omnino perfectam, & habitualiter extensem ad illa, nec non revelationem & fidem eorum omnium, quæ ad honestè operandum in ordine supernaturali requiruntur: unde Ezechiel. 28. Lucifer dicitur plenus sapientiā, & perfectus decorus, à die conditionis suæ, ut ibidem ponderavimus.

134. Ex hoc probata manet secunda pars conclusionis: Nam ut discurreat S. Thomas quæst. 16. de Dæmonibus art. 6. falsa opinio, sive error, est quædam defectiva operatio intellectus, sicut partus monstruosus est quædam defectiva operatio naturæ; defectiva autem operatio semper procedit ex defectu alicuius principi, sicut ex aliquo defectu semiñis procedit monstruositas partus: At si Angelus à principio sua creationis habeat scientiam rerum omnium naturalium, & revelationem eorum omnium, quæ ad honestè operandum in ordine supernaturali requiruntur, non habet defectum alicuius principii cognoscendi, ut manifestum est; cum hac enim scientia & revelatione aliquis defectus in principiis cognoscendi objecta naturalia vel supernaturalia coherere nequit: Ergo si habet scientiam rerum naturalium, & revelationem supernaturalium &c. ante primum ejus peccatum, error, seu falsum iudicium de aliquo objecto, in ejus intellectu reperiatur nequit.

135. Confirmatur primò specialiter quoad errorem circa objecta supernaturalia. Duobus tantum modis concipere possumus Angelum ertare circa objecta supernaturalia: vel judicando hæretice falsa esse, quæ à Deo revelata sunt: vel judicando de illis aliquid, quod non est illi revelatum à Deo, nec per evidentem consequentiam ex revelationis deducendum: Sed neutrō modo potuit primum peccatum Angeli provenire ex errore: Ergo nullo modo. Major est certa. Minor probatur primò quoad primam partem: quia sicut

A actus credendi presupponit plam affectionem voluntatis applicantis ad fidem, ita iudicium hæreticum, vel infidele, presupponit malam voluntatem applicantem ad illud: Ergo presupponit peccatum (voluntas enim applicans ad iudicium hæreticum non potest non esse peccatum) quod tamen adhuc non potest esse primum in Angelis, quia, ut supra vidimus, primum Angelorum peccatum, debet necessariò esse actus prosecutionis finis ultimi: Ergo multò minus illud iudicium hæreticum, erit primum Angelorum peccatum. Et ex his probatur etiam Minor quoad secundam partem: quia etiam secundum iudicium de objectis supernaturalibus, fieri non potest absque aliquo peccato temeritatis voluntatis, applicantis intellectum ad iudicium de objecto superexcedenti, sine sufficienti fundamento. Unde D. Thomas loco citato ait: In bono Angelo potest quidem respectu hujusmodi cognoscibilium (scilicet ordinis supernaturalis) esse defectus, sed simplicis negationis, secundum quod Dionysius dicit cap. 7. Ecclesiastica Hierarchia, quod à nescientia purgantur. Non autem potest in eis esse defectus falso opinionis: quia cum voluntas eorum sit ordinata, ut applicant intellectum suum ad iudicandum de illis, quæ cognitionem eorum exceedunt. Sed in malis Angelis, propter inordinatam & superbam voluntatem, potest esse respectu hujusmodi cognoscibilium, etiam defectus falso opinionis, in quantum exhibent praesumptuose suum intellectum, ad iudicandum de his, quæ in ei cedunt.

B Probatur rursus eadē secunda pars conclusionis: Sicut sensus non decipiatur per se, sed ab aliis per accidens, circa sensibile proprium, ut intellectus semper est verus, per se loquendo, circa proprium objectum; & ad summum decipitur per accidens, propter passionem insurgentem, aut actum vel habitum vitiosum, ratione quorum perturbatur; vel ab aliquo inferno, perutamphantasia, aut hujusmodi: Sed in Angelis nullæ sunt passiones, nec ante primum peccatum fuit aliquis habitus aut actus viciosus, ut patet; nec denique potentia inferiores tentativa, à quibus obcuraretur vel perturbaretur eorum intellectus: Ergo ante primum peccatum, nullus potuit esse error in intellectu angelico.

C Confirmatur: Error intellectus est malum quoddam grave naturæ rationalis: Sed non culpæ, nisi sit voluntarius, ac proinde presupponit malum affectum voluntatis: Ergo patet: Sed malum pœna supponit culpam: Ergo error non potuit reperi in intellectu Angelii, ante primum ejus culpam.

D Quod potest amplius confirmari ex Augustino lib. 3. de libero arbitrio, cap. 24. ubi sic ait: Apud probare vera pro falsis, non est natura instituti hominis, sed pœna damnati: Ergo multò minus est natura instituti Angelii, sed pœna damnati; ac proinde non potest convenire Angelo ante peccatum.

E Ex dictis haec tenus probata manet ultima pars conclusionis: si enim ex una parte debuit necessariò præcedere ali quis defectus intellectus, ut in prima suppositione monstravimus, & fuisse in Tractatu de peccatis ostendemus: ex alia vero parte talis defectus non fuerit ignorantia, vel error, ut patet ex probatione primæ & secundæ partis conclusionis; cum nullus alius defectus intellectus & voluntatis superstitio, propter inconsiderationem pœnitutivam, necessariò sequitur eam in Angelis pœnitutem, causam peccati, ac secretam illam rimam, per quam

quam in illorum mentes virus hoc intravit. Unde D. Thomas quæst. 16. de malo art. 2. ad 4. Semper in peccato defectus intellectus, vel rationis, & voluntatis proportionabiliter se comitantur: unde non potest poterit in primo peccato Demonis talis deficere intellectus, ut aliquid falsum existimaverit, pura appetitiva sua regula & ordinis ejus.

Confirmatur & explicatur amplius hæc pars doctrina ejusdem S. Doctoris quæst. i. de malo art. 2. ubi hæc scribit: *Hoc ipsum quod non est actualiter actu ad talen regulam (scilicet rationis) in consideratam, non est malum, nec culpa, nec pena, quia anima non tenetur nec potest attendere ad hujusmodi regulam semper in actu. Sed ex hoc accipit primò rationem culpe, quod sine actuali consideratione regale procedit ad hujusmodi electionem. Sicut artifex non peccat in eo quod non semper tenet mensuram, sed ex hoc quod non tenens mensuram, procedit ad incidentium.* Similiter etiam Angelus non peccavit ex eo præcisè quod non consideravit legem divinam, prohibentem amare beatitudinem naturalem, absque ordine & relatione in Deum ut auctorem & finem supernaturalem, sed ex eo quod absq; consideratione hujus regule & præcepti, beatitudinem illam adamari, & in ea nimis sibi complacuit: unde tota malitia peccati Angelorum, refundenda est in inconsiderationem, seu potius in judicium inconsideratum, quod prius est in genere causæ formalis ipsa electione mala, & quodammodo posterius in genere causæ efficientis, ut ex solutione argumentorum patebit.

§. III.

Solutio objectionum.

Objetetur primò contra secundam partem conclusionis: D. Thomas in 2. ad Annibal. lib. 1. quæst. 1. art. 1. ad 1. ait: *Circa judicium eligendum in Angelo error esse potuit, quamvis non circa absolute cognitionem eorum ad qua naturalis agutus se extendit.*

Respondeo S. Doctorem non loqui ibi de errore formalis, sed solum de virtuali & interpretativo, qui in inconsideratione privativa consistit, ut clare se explicat ibidem, dicens: *Intellexisse Angelum licet in eligendis non posset ligare passionem, si in nobis accidit, potest tamen impediri a recto juri eius eligibilis, per omissionem aliquorum qua consideranda sunt.*

Objetetur secundò contra eandem partem: Si in Angelis non potuerit esse error ante primum peccatum, maximè quia est malum pœna, & sic sequitur antecedere culpam: Sed hæc ratio nulla est. Ergo &c. Minor probatur: quia inconsideratio est malum quoddam natura angelicæ, & nihilominus admittitur ante culpam.

Respondeo concessa Majori, negando Minorem. Ad cuius probationem dico, inconsiderationem, præcisè & secundum se sumptam, non habere rationem mali respectu naturæ angelicæ; nam juxta naturalem ejus conditionem est, quod non semper sit in actuali & omnino perfecta consideratione omnium rerum: unde humum de inconsideratio solum habet rationem cupiditatem nude & puræ negationis; eo proportionali modo quo limitatio in creaturis, secundum se & præcisè sumpta, non habet rationem mali, sed est juxta naturalem conditionem eamdem creaturarum, habetq; rationem nude-

Tom. II.

A & pura negationis respectu illarum. At vero error habet rationem mali propriè dicti, respectu naturæ angelicæ, quia est dispositio quadam positiva & inconveniens naturæ perfectæ intellectus; & propter eum error qui secundum se est malum pœna, respectu prædictæ naturæ perfectæ, non potest esse ante malum culpe, & independenter ab eo; bene tamen prædicta inconsideratio secundum se & præcisè sumpta. Dico, secundum se, & præcisè sumpta: nam si consideretur secundum id quod aliunde haberet, nempe ut est voluntaria, seu quatenus habens illam inconsiderationem, vult cum ea procedere ad opus, ad quod recte exequendum requiritur inconsideratio, planum est illam non esse puræ negationem, sed privationem, habereq; rationem mali: verum tunc supponit in alio genere causæ peccatum voluntatis; & ita malum hoc non est ante primum peccatum, ut magis patebit ex infra dicendis.

Objicitur tertio contra tertiam partem conclusionis: Juxta SS. Patres Angelus peccavit ex malitia; unde non est admissus ad penitentiam; sicut est admissus homo, quia peccavit ex infirmitate: Sed peccare ex malitia, non est peccare ex inconsideratione, sed potius ex plena deliberatione & consideratione; quia inconsideratio potius reducitur ad peccatum ignorantie & infirmitatis, quam ad peccatum malitiae: Ergo primum Angelii peccatum ex inconsideratione non processit: maximè cum ex Scriptura constet, Luciferum, ejusq; sequaces, à bonis Angelis, & præfertim à Michaële dicente: *Quis ut Deus: fuisse admonitos de his quæ considerare debebant, scilicet divinam similitudinem non esse superbè appetendam.*

Confirmatur: Eadem videtur esse ratio de primo peccato Angelorum, ac de peccato primorum parentum: Sed primi parentes non peccaverunt ex inconsideratione: Ergo nec mali Angelii. Minor probatur: nam Eva fuit admonita de precepto divino, cum serpens ei dixit: *Cur præcepit vobis Deus, &c.* Adam vero non fuit seductus, ut dicitur 1. ad Timotheum 2.

E ad objectionem respondeo SS. Patres yelle, ex eo peccatum hominis esse magis venia dignum quam peccatum Angelorum, quia licet utrumq; processerit ex inconsideratione, inconsideratio tamen hominis non oriebatur ex pura malitia, sicut inconsideratio Angelorum, quatenus mala, sed ex infirmitate carnis cum ipso congenita. Ita formaliter D. Gregorius lib. 4. Moralium cap. 9. *Duas (inquit) ad intelligendum creaturem Deus fecerat, angelicam videlicet & humanam: utramq; verò superbìa percussit; sed una tegmen carnis habuit, alia verò nihil infirmum de carne gestavit: infirmus ergo Creator, illam ad se debuit reducere, quam in perpetratrice culpe, ex infirmitate aliquid constat habuisse; & ead amplius debuit apostolam Angelum repellere, quo cum à persistendi fortitudine corruit, nihil infirmum ex carne gestavit.* Item lib. 9. cap. 28. *Angelorum (inquit) spiritus idcirco irremissibiliter peccaverunt, quia tanto robustius stare poterant, quanto eos carnis commixtio non temebat. Homo vero idcirco post culpam veniam meruit, quia per carnale corpus aliquid, quo seipso minor esset, accepit.*

Ad illud quod additur ex Scriptura dico, quod admonitio facta per M. chaëlem & bonos Angelos, cum fuerit facta post vilam superbiam & resistantiam malorum, fuit posterior, saltem naturæ, peccato ipsorum; unde illa non potuit impe-

impedire quod mali Angeli ex inconsideratione peccarent; maximè quia ex vi hujus admonitionis solum habuerunt considerationem speculativam, non autem practicam & imperativam, qua erat necessaria ad continentiam voluntatem.

146. Ad confirmationem, datâ Majori, nego Minorem. Ad cuius probationem dicendum est, quod licet Eva, diabolo proponente, consideraverit praeceptum divinum; tamen cum ad Dei similitudinem à Dæmonie propositam, per scientiam boni & mali consequendam, inclinavit affectum, praecepti considerationem abjecit, & ita divinam appetendo similitudinem, cum tali inconsideratione peccavit. Adam vero dicitur non fuisse seductus, quia non fuit primò seductus in universali, sed tantum in particulari eligibili, ut explicat S. Thomas supra caput citatum Apostoli lectio 3. his verbis: *Sedulio autem duplex est, scilicet in universalis, & particulari eligibili, quæ est ignorantia electionis. Quicumq; ergo peccat, seducitur ignorantia electionis in particulari eligibili: mulier autem fuit seducta, ignorantia in universalis, quando scilicet credidit quod serpens dixit; sed vir non credidit hoc, sed deceptor fuit in particulari, scilicet quod gerendus esset mos uxori, & cum ea comedere deberet; & inexpertus divina severitatis, credidit quod facile ei remitteretur.*

147. Objicitur ultimò: Si primum Angelorum peccatum, ex inconsideratione, seu judicio inconsiderato procederet, tale judicium deberet esse culpabile, subindeq; voluntarium, ut constat: Sed non fuit culpabile nec volutarium: Ergo ex illo non processit primum peccatum Angelorum. Probatur Minor: Vel enim esset culpabile & voluntarium, per illum actum voluntatis quem regulat, & in quo consistit primum peccatum Angelorum, vel per alium auctum priorem? Neutrū dici potest: Ergo &c. Probatur Minor quoad primum: Tum quia cum omnis regulat prior mensurato, judicium illud debuit actum voluntatis quem regulat, & in quo consistit primum Angelorum peccatum, praedere; atque adeò non fuit voluntarium per illum actum; Tum etiam, quia non salvaretur quod quilibet defectus voluntatis oriatur ex aliquo priori defectu intellectus; nam si judicium illud inconsideratum, fuisset malum & culpabile, per illum actum voluntatis quem regulabat, non ipse intellectus, sed prius voluntas fuisset prima radix defectus, tam fui ipsius, quam intellectus. Probatur eadem Minor quoad secundum: quia prior ille actus, per quem tale judicium esset culpabile, debuisset esse etiam regulatus per aliud judicium inconsideratum; de quo idem posset fieri argumentum, & sic in infinitum. Sequitur ergo primum Angelorum peccatum, ex inconsideratione seu judicio inconsiderato procedere non potuisse.

148. Huic difficulti arguento respondent communiter nostri Thomistæ, judicium illud inconsideratum, esse voluntarium & culpabile, per ipsum auctum voluntatis quem regulat; ita ut judicium antecedat in genere causæ formalis extrinsecæ & regulativæ, subsequatur vero in genere causæ efficientis: quia dicunt voluntatem Angeli per primum volitionem malam applicare & movere quantum ad exercitium intellectum, ad judicium inconsideratum, & è contra intellectum per tale judicium movere voluntatem quoad specificationem; subindeq; hoc adhuc posito salvari, quod quilibet defectus vo-

A luntatis oriatur ex aliquo defectu intellectus, priori in genere causæ formalis extrinsecæ, objectivæ, quamvis non simpliciter & in omni genere.

Verum nisi hæc solutio magis explicetur, statim graves patitur difficultates. Quamvis enim certum sit, voluntatem movere intellectum, certum ad exercitium, & movere ab ipso quoad specificationem; non videtur tamen possibile, primum volitionem malam Angelorum, potuisse dependere, & esse posteriorem judicio inconsiderato, etiam in genere causæ formalis extrinsecæ, si tale judicium fuit ab illa in genere causa efficientis: quia causa efficientis, natura saltem, præsupponitur suo effectui ut existens, & consequenter extra omnem modum dependens & causalitatis. Deinde judicium regulans actu voluntatis, concurreat ad illum in genere causa efficientis, saltem moralis, secundum omnes, immo & physica, juxta Cajetanum, & plures alii ex nostris Thomistis: Sed implicat aliquid esse causam & effectum, prius & posterior responde ejusdem, in eodem saltem genere causa: Ego tale judicium non potest dependere, & eleoperius aetū voluntatis quem regulat, in genere causa efficientis.

Has tamen instantias solvere facile potest, dicendo quod licet repugner causam efficientem dependere in genere causa efficientis, aut etiam formalis, à suo effectu, secundum illum rationem secundum quam efficitur ab ea, ut probat utrumq; argumentum: nullum tamen est inconveniens, quod aliquid sit causa efficientis alterius, secundum unam rationem, & quod ab eodem secundum aliam rationem dependeat in quocumq; genere causa: quia tunc non convenientialiquid esse causam & effectum prius & posterior, responde ejusdem. Sic autem contingit in proposito: nam illud judicium inconsideratum habet & quod sit cognitio ad tale objectum terminata, & quod sit cognitio voluntatis & culpabilis: quatenus voluntaria & culpabilis, ita dependet in genere causæ efficientis à prima volitione mala Angelorum, ut in nullo genere causa: eam ut sic spectata praecedat, quatenus vero est cognitio ad tale objectum terminata, antecedit volitionem malam in genere causa formalis extrinsecæ, dirigentis & regulantis, eam tamen sub illa ratione non subsequitur in genere causa efficientis.

Ex dictis in hoc articulo intelliges, unicam tantum esse viam, per quam peccatum in natum angelicum subintrare potuit, nempe inadvertentiam, seu inconsiderationem: cum tamen triplex in huminæ peccatum paret adhuc, ignorantia scilicet, infirmitas, & malitia; imferè tot pareant viæ, quot sunt sensuum aditus, quibus peccatum in animam intrat, & intraretiora cordis illabitur. Per quinque enim corporis sensus (inquit Bernardus) veluti per quinque portas, visum scilicet, auditum, gustum, odoratum, & tactum, sagittis suis nos vulnerat, & mors intrat in humanam nostram. Respicit oculus, & mentis sensum avertit. Auris audit, & intentionem cordis inficit. Odoritus cogitationem impedit. Os loquitur, & fallit. Tactum ardor libidinis pro aliqua parva occasione extinguitur, & nisi illico respiciatur, subito totum corpus occupat, urit, & incendiit. Praterea caro sagerit molles, mundus vana, diabolus amara. Hoc quo ad peccatum irritamenta! quo laquei! quo vie! undique tentamenta, undique pericula; quocumque me vertam, ubi la est securitas.

ARTIC.